



## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Maximino tyranno in oriente. Cap. XXVII.

**urn:nbn:de:hbz:466:1-29861**

victoriā ex animi sententia sibi successurā. Iste igitur Rōmæ tyrannidē exercēs, vix dici poterit, quæ molitus sit, quo homines suo imperio subiectos in seruitutē redigēret: vsq; adeo ut iam in tanta penuria & egestate alimētorū ad vitam necessariorū constituerentur: quantā non alias Romæ viguisse homines nostri téporis affirmant.

*De Maximino tyranno in oriente.*

C A P. XXVII.

**M**aximinus tyrannus in oriente cum Maxentio, qui Romæ imperabat, tanquam cum fratre, in omni scelerum genere sui simillimo, amicitiam animo simulato contraxit, & veteratorio, eamque longo tempore callide obtegere laborauit: verum postea tandem deprehensus, debitas simulationis pœnas persoluit. Videatur plane dignum admiratione, quo pacto iste finitimus & germana scelera cum tyranno, qui Romæ rexit imperium, consciuerit, inimicō vero etiam nequitia & improbitatis, priores partes omnino obtinuerit. Nam qui arte magica, & falsis præstigiis pollebant maxime, ab isto maximum dignitatis gradum adepti sunt: quandoquidem erat cum primis meticulosus, & vana superstitione obligatus, erroremque illum in sciscitandis idolorum & dæmonum oraculis plurimi faciebat. Etenim absque diuinationibus & oraculis ne transuersum vnguem, quod aiunt, se audebat commouere. Ob quam causam grauiorem crebrioremque persecutionem, quā maiores sui, contra nos concitauit. Exempla autem deorum, in singulis ciuitatibus erigi, & delubra, téporis longinquitate vastata, mature renouari præcepit, idolorum que in omni loco, & ciuitate constituit sacerdotes, & his in singulis prouinciis pontificem vnum, qui in omnimunere egregie obeundo & luculenter cæteris in rep. viris præstare videretur, Cohorte, & satellitio stipatum præfecit: & omnibus deniq; maleficiis & prestigiatorib<sup>o</sup> tanquam religiosis & deorum numini charis, præfecturarum dignitates, & maxima priuilegia impertire non erubuit. Deinceps ab his ad alia nequitia genera se translulit, & non vnam ciuitatē, aut regionē, sed omnes omnino prouincias suo imperio subiectas, auri, argenti & in-

EUSEBII HISTORIAE

& ingentium facultatum exactioribus, mandatis gratuitimis, & aliis aliquando multis supra modum diuexauit oppressaque. Locupletum etiam fortunas ipsis a maiori bus traditas vi abstulit, quo diuitias, & pecuniarum tanquam cumulos aceruatum suis assentatoribus largiretur. Eo porro temulentiae, & ebrietatis ferebatur, ut insani ret inter pocula & de mentis gradu deturbatus, rabie quadam fureret, & ea imperaret ebrius, quorum postridie sobrium maxime peniteret. In crapulæ & effusæ libidinis exuberantia nemini secundus fuit. Improbitatis magistrorum tum magistratibus, tum subiectis suis seipsum effecit. Atque ut suos induxit milites, ut omni luxu & intemperantia diffluerent: sic praesides & praetores incitauit, ut omnes rapinartum & auaritiae vias contra subiectos insisterent, & fere cum illo tyrannidem usurparent. Quid vesana & temeraria viri flagitia commemorarem? quidne emunerem multitudinem mulierum ab eo constupratarum? Nullam enim ciuitatem aliquando ipse præteriit, in qua non pudicas mulieres vitiarit, in qua virginum raptiones non fecerit. Atque ista eius facinora non contra Christianos solum (qui morte contempta, eius ty rannidem pro nihilo putarunt) sed contra alios omnes grassabantur. Nam quod ad Christianos attinet, qui viri erant, ignis, ferri, clavorum transfixorum ericiatus, immanes bestias, maris profundos gurgites, membrorum amputations, ignitorum instrumentorum inustiones, oculos extumulatos effossosque, corporis partium extremitates abscessas, famem præterea, metallorum & vinculorum denique ærumnas exantarunt: atque haec omnia pro pietate patienter & tranquillo animo ferre maluerunt, quam dei cultum cum idolorum veneratione commutare. Atque ex mulieribus non minus ipsis viris a doctrina divini verbi animatis roboratisque, pars eadem cum viris certamina subeuntes æqua virtutis præmia reportarunt: pars ad corruptelam & obsecnam libidinis turpitudinem inuitæ attractæ, vitam citius internecioni, quam corpus dedecori tradere instituerunt. Sola namque mulier quædam Christiana inter alias a tyranno adulterii labi turpificatas, ex Alexandrinis mulieribus nobilis

sima

sima splendidissimaq; Maximini animum libidine fure  
tem, & lasciuientem intemperantia, magnitudine quam  
altissimi animi deuicit: quæ quanquam aliis rebus, ut o-  
pibus, generis splendore, & exquisita doctrina insignis  
fuit, tamen ista omnia præ pudicitia postputauit: Istam  
quidem Maximinus, licet sœpe orasset, ut ipsius cupi-  
ditati obsequeretur, eaque denegasset, seque mori para-  
tam ostenderet, tamen interficere non potuit (quippe li-  
bido potius, quam iracundia mentis suæ tenebat impe-  
rium) sed illam fuga multatam, omnibus facultatibus  
spoliauit. Innumerabiles etiam aliæ Christianæ, quoniā  
stupri minas, quibus prouinciarum præfecti eas terrere  
conabantur, ferre non poterant, omnia cruciamento-  
rum, distortionum, & mortiferi supplicij genera liben-  
ter subierunt. atque hæ sane permagna admiratione di-  
gnæ sunt. verum illa mulier Romæ maxime admirabi-  
lis, quæ ex omnibus, quibuscum Maxentius tyrannus  
ibi non dissimilem à Maximino turpitudinem admit-  
tere conabatur, & nobilissima reuera, & modestissima  
fuit. Hæc enim simul atque audiuerat eos, qui tyran-  
ni roga tu talia administrare solent, pro foribus ædium  
astare (Christianæ etiam ipsa erat) & virum suum, qui  
fuit præfectus Romanorum, metus caussa eos ipsam ar-  
reptam permisso abducere, paululum temporis popo-  
scit, ut corpus eius decenter exornaret. Itaque cubicu-  
lum ingreditur, quæ cum sola esset, ense seipsum transhi-  
git: & mortua statim concidit, cadavere perductoribus  
imperatoris relicto. Quæ suis rebus gestis, omni voce ac  
sono multo clariss personantibus, omnibus hominibus  
cum qui iam sunt, tum qui post futuri sunt, palam fecit,  
solam Christianorum continentiam nec pecunia expu-  
gnari, nec morte extingui posse. Tanta & tam multipli-  
cia improbitatis genera, à duobus tyrannis, orientis &  
occidentis regna occupantibus, eodem temporis momē  
to forte admissa fuerunt. Ecquis vero tantarum miseria  
rum caussa accurate conquisita, animo hæsitare poterit,  
eas ex persecutione contra nos excitata natas esse, præ-  
sertim cum non prius imperatorum res essent eiusmodi  
confusione ac perturbatione liberatae, quam Christiani

Bb suam

## EVSEBII HISTORIAS

suam denuo recuperassent libertatem? Nam toto decem annorum spatio, persecutione longe lateq; manante, nihil eorum, quæ vel ad insidias, vel ad bellum intestinum spectabant, ab illis absisse videbatur. Nullum enim mare tuto traiici poterat, neque hominibus integrum erat ali cunde tranare, quin omnibus deuexaretur suppliciis, ut distortione membrorum, laterū dilaceratione & tormentis cuiusque generis, dum quæstio de illis habebatur, nū ab hostibus venissent, & ad extremum crucibus, aut incendij flammis torquerentur. Adde huc clypeorum, & loricarum, telorum, hastarum, & aliorum instrumentorum cuiusque modi ad bellum faciendum accommodatorum apparatus, cum triremibus, & armis ad præliū nauale spestantibus, quæ in locis quibusque in vnum congregebantur. Neque cuiquam aliud quicquam expectare licebat, quam hostium quotidie incursionem. Hasce res postea, fames & pestis insequebantur. De quibus oportune, quæ consentanea sunt, suo loco dicemus.

*De rerum in melius mutatione.*

CAP. XXXVIII.

**E**Iasmodi erant ea mala, quæ toto persecutionis tempore regnarunt: cuius æstus vt octavo anno, Dei iuvante gratia, cœpit paululum deferuescere, sic decimo anno consopitus fuit. Nam cum diuina, & caelestis gratia clementem suum & propitium obtutum in nos ostendere dignata esset, tum imperatores nostri temporis, illos dico per quos iam dudum persecutionis tempestates in nos excitatæ fuissent, sententia sua tanquam miraculo quodam diuino commutata, palinodiam ut auunt, cecinerunt: & benignis editis atq; decretis humanissimis de nobis promulgatis, persecutionis ardorem in primis effervescentem prorsus extinxerūt. Neq; quisquam huius mutationis caussam ad humanum auxilium, aut ad imperatorum, vt fortasse aliquis dixerit, commiserationem & clementiam referat (multum sane abest, præsternit cum in dies singulos plures suppliciorum formæ, & acerbiores ab initio ad illud usq; tempus contra nos ab illis excogitatæ sunt, dum cruciamenta nobis inficta va-

riis